


[451]

1577-08  
129/7-

935



## EDENBURGVM.



**E**DENBURGVM, Regia & metropolitica in Scotia vrbs, Alata castra vocant, à Cruithneo Scotorū Rege condita, & primaria institutione Agreda, posteriore autem ætate ab Eitho, Pictorum Rege, Edinburgum cognominata, in Landonia, præcipua Scotia Proincia sita. Forthra amne alluitur, excepta ab eisdem nominis æluario nauigia a b orientali Oceano, in frequentissimum portum, vix mille passibus ab vrbe distantem, vbi Harmonia est insula, hodie columba dicta, vltra Forthream, in cuius ostio Castellum Dunbar conspicitur. Habet autem vrbs ipsa Edenburgum duos montes ad Orientem, Australior, Cathedra Arthmi, & qui Aquilonem respicit, Collis apri nuncupatur. Ager vndique fertilissimus est, amœna prata, syluæ, lacus, riuus, arces vltra centum per circuitum vrbs, intra vnum miliare Germanicum. Ad Septentrionem interuallo Italici miliarij, est brachium maris, iuxta quod situm est opidum Letha, in cuius medio constructa est porticus, in qua simul videre licet centum magnas onerarias naues. Habet brachium maris, ibi ad aquilonem in latitudine septeni miliaria. Porro Edenburgum in monte, inlar Præga sita, habet in longitudine miliare Italicum, in latitudine dimidium. Longitudo accipitur ab Occidente in Orientem. Ab Occidente vrbs, assurgit mons, & alta rupes, arc, arx in rupe, natura loci munitissima, sub qua, vndique est profunda vallis, nisi ea parte, qua respicit vrbem, quare arx omninò est inexpugnabilis, cum aditu sit omnium difficillimo, ( licet quandoque, sed mirabili prorsus stratagemate, sit expugnata, vt Index latius commemorabit, nec quiquam ad eam scandere possit, qualibet conque etiam scalytam præceps & dura est petra, in qua vultures nidificant. Quarum auium nidos depe dantur iuuenes audaciores, ex arce in sportis demissi. Hæc arx, occidentalem vrbs partem claudens, Puellarum castrum vocatur, quòd illic Regie, Pictorumq; virgines insigniores, manuaria artibus discendis, ad nobilem vsq; ætatem, vt tum fiebat, addictæ, arctæ custodia seruabantur. Cæterum ad Orientem vrbs est augustissimum monasterium S. Crucis, habens annexum palatium Regis, & amœnissimos hortos, quos claudit lacus ad fundum montis, Cathedra Arthmi. In hoc monte inueniuntur pretiosi lapides, clara die radiantés, adamantes præcipuè. In vrbe sunt duæ magnæ viæ, ab arce puellarum, vsque ad monasterium, & regiam palatium, lapidibus quadris strata, præsertim regia via. Est suburbium ad Occidentem, dimidio miliari longum, vocaturq; via S. Cathberti. Sunt in vrbe multa Monasteria, & templa, præsertim Franciscani, Dominicani, Ecclesia Mariæ de Campo, Collegium Sacerdotum: & aliud Collegium Trinitatis, Hospitale D. Thomæ. Vrbs ipsa, non est constructa ex coctis, sed naturalibus & quadris lapidibus, vt etiam singulæ ædes possint magnis palatij comparari. In medio vrbs est Capitulum, & Ecclesia collegiata sancti Egidij. Habent Episcopi, Duces, Comites, Barones & Procerei totius regni, in ipsa vrbe sua palatia, quando ad Comitata vocantur. Est Palatium Regis, positum supra Monasterium amplissimum & superbissimum, à quo, vsque ad arcem puellarum extenditur perpetua quædam platea, vicus Regius, dicta, sed, quæ prope arcem puellarum latior, prope Monasterium autem angustior est, atq; hæc regia via insignes habet ex vtraq; parte ædes, potioresq; polito ex lapide constructas. Porro, alia oblonga via, quæ vicus Canonicorum vocatur, angustior est, & iungiturq; à Regio vico, muro, porta, ac turribus, atq; pro suburbio reputatur. A regia via inter austrum & boream, infiniti extendantur viculi, qui omnes excellis ædibus sunt ornati, quemadmodum & vaccarum vis, in qua patritiorum, & senatorum vrbs, habitationes; principum ac regni palatia, vbi nihil humile, sed cuncta videntur magnifica. Inter maiores Edenburgi Ecclesias, post insignem Monasterij Basilicam, Collegiata sancti Egidij Ecclesia, primum sibi vendicat meritò locum, in medio Regie viæ constructa. Deinde in visio, qui Edenburgum à via Canonicorum & suburbio diuidit, Ecclesia est celeberrima, Collegium reginæ intra muros, Item inter Monasteria Franciscanorum & Prædicatorum, sita est Ecclesia Mariæ de Campo, vbi sacerdotum etiam est Collegium. Et sub rupe demum arcis puellarum noua S. Cathberti Parochia est sita.